

"Қазақстан Республикасында қорғаныс, қорғаныс өнеркәсібі және өзіндік ерекшелігі бар тауарларды бақылау мәселелері жөнінде кеңес құру туралы" Қазақстан Республикасы Премьер-Министрінің 2022 жылғы 25 тамыздағы № 127-ө өкіміне өзгерістер мен толықтыру енгізу туралы

Қазақстан Республикасы Премьер-Министрінің 2026 жылғы 15 сәуірдегі № 48-ө өкімі

"Қазақстан Республикасында қорғаныс, қорғаныс өнеркәсібі және өзіндік ерекшелігі бар тауарларды бақылау мәселелері жөнінде кеңес құру туралы" Қазақстан Республикасы Премьер-Министрінің 2022 жылғы 25 тамыздағы № 127-ө өкіміне мынадай өзгерістер мен толықтыру енгізілсін:

көрсетілген өкіммен бекітілген Қазақстан Республикасында қорғаныс, қорғаныс өнеркәсібі және өзіндік ерекшелігі бар тауарларды бақылау мәселелері жөніндегі кеңес туралы ережеде:

6-тармақ мынадай редакцияда жазылсын:

"6. Қойылған мақсат шеңберінде Кеңеске:

қорғаныс саласындағы:

- 1) жұмылдыру дайындығы және жұмылдыру;
- 2) мемлекеттік материалдық резерв;
- 3) азаматтық қорғаныс;
- 4) қорғанысты көліктік қамтамасыз ету;
- 5) аумақтық қорғанысты қамтамасыз ету;
- 6) қорғаныс мүддесінде аумақтарды жедел жабдықтау;
- 7) мемлекеттік қорғаныстық тапсырыс;
- 8) әскери-техникалық саясат;

9) шет мемлекеттермен әскери-техникалық және әскери-экономикалық ынтымақтастық;

қорғаныс өнеркәсібі және өзіндік ерекшелігі бар тауарларды бақылау саласындағы:

1) өзіндік ерекшелігі бар тауарларды бақылау;

2) мемлекеттік органдарға өзіндік ерекшелігі бар тауарларды бақылау жүйесі бойынша, жеке және заңды тұлғаларға өзіндік ерекшелігі бар тауарларды экспорттау, кері экспорттау, импорттау және олардың транзиті тәртібі бойынша ұсынымдар дайындау;

3) қорғаныс өнеркәсібі;

4) қызметтің жекелеген түрлерін лицензиялау;

5) қорғаныстық-өнеркәсіптік кешенді дамыту мәселелерін қарау жөніндегі міндеттер жүктеледі.";

көрсетілген өкіммен бекітілген Қазақстан Республикасында қорғаныс, қорғаныс өнеркәсібі және өзіндік ерекшелігі бар тауарларды бақылау мәселелері жөніндегі кеңестің құрамында:

"Қазақстан Республикасының Өнеркәсіп және құрылыс вице-министрі, хатшы" деген жол мынадай редакцияда жазылсын:

"Қазақстан Республикасының Өнеркәсіп және құрылыс вице-министрі, хатшы (қорғаныс өнеркәсібі және өзіндік ерекшелігі бар тауарларды бақылау мәселелері жөніндегі);";

"Қазақстан Республикасының Өнеркәсіп және құрылыс вице-министрі, хатшы (қорғаныс өнеркәсібі және өзіндік ерекшелігі бар тауарларды бақылау мәселелері жөніндегі);" деген жолдан кейін мынадай мазмұндағы жолмен толықтырылсын:

"Қазақстан Республикасы Қорғаныс министрінің орынбасары, хатшы (қорғаныс мәселелері жөніндегі).";

"Қазақстан Республикасының Цифрлық даму, инновациялар және аэроғарыш өнеркәсібі министрі;" деген жол мынадай редакцияда жазылсын:

"Қазақстан Республикасының Жасанды интеллект және цифрлық даму министрі;".

Премьер-Министр

О. Бектенов